

Saya, Teknologi dan Media



Budaya pembelajaran sentiasa berubah. Teknologi dan media memainkan peranan utama dalam transformasi tersebut. Pendidik dan pelajar merubah pengalaman bilik darjah dengan peningkatan penggunaan teknologi dan media sebagai komponen penting dalam pembelajaran. Hasilnya sekolah beransur-ansur menyerupai dunia sebenar, sehingga menjadikannya lebih berharga, relevan, dan berguna kepada semua pihak yang terbabit.

Bukankah ini merupakan sesuatu yang sangat didambakan? Namun terdapat begitu banyak teknologi di luar sana terutama yang berkaitan dengan ICT (yang dikenali sebagai Web 2.0): Wiki, Blog, Prezi, jaringan sosial dan sumber yang hampir tidak ada batasan di Internet.

Guru, seperti juga kebanyakan orang, yang tiada kecenderungan kepada teknologi dan dunia dalam talian kemungkinan akan berasa “lemas”. Namun sebagai seorang guru abad ke-21 anda harus berusaha mendampingi dan menerima dengan hati yang terbuka semua teknologi dan media yang mampu menyokong pengajaran dan pembelajaran abad ke-21.

Oleh itu, bagaimana dan di mana anda boleh memulakan perjalanan pembelajaran anda dalam mengintegrasikan teknologi dan media di bilik darjah anda di samping menggunakannya sebagai pemangkin perkembangan profesionalisme? Bagaimana anda boleh mengikuti perkembangan landskap teknologi dan media yang hampir setiap hari berubah?

Tugasan anda: Gunakan persoalan di atas sebagai titik tolak dan dorongan bagi menghasilkan satu rancangan perjalanan pembelajaran anda dalam mengintegrasikan teknologi dan media di bilik darjah anda kelak. Huraikan setiap langkah atau keputusan yang anda ambil di sepanjang perjalanan tersebut serta semua teknologi dan media lama dan baru yang akan anda integrasikan di bilik darjah beserta justifikasi pemilihan. Gunakan kreativiti dan teknologi ICT untuk menghasilkan satu visual perjalanan yang bukan saja berinformasi bahkan menarik. Paparkan rancangan ini dalam blog anda.

Tip: Bekerjalah dalam kumpulan PjBL dahulu bagi membincang dan menyelesaikan tugasan di atas. Gunakan Wiki sebagai platform berbincang dengan membuka lembaran baru bagi tugasan ini. Namun, setiap ahli menghasilkan rancangan pembelajaran secara individu.